



## **KOMUNIKADO DI PRENSA**

**Willemstad, 25 di mei 2022**

---

### **TARIFA DI GASOLIN I ELEKTRISIDAT TA SUBI, DIESEL I AWA TA BAHA**

WILLEMSTAD – Entrante djamars 31 di mei 2022 e tarifa regulá di gasolin ta subi i diesel ta baha na Kòrsou. E tarifa di elektrisidat ta subi i awa ta baha entrante djarason 1 di yùni 2022. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

#### **Káalkulo tarifa produktonan kombustibel**

E káalkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa yùni 2022, en prinsipio ta basá riba e reserva di kombustibel disponibel pa final di aprel 2022.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mecanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

E kambionan di tarifa pa luna di yùni 2022 pa gran parti ta basá riba kompra dor di Curoil durante aprel 2022. E tarifa usuario final pa Mogas 95 ta subi komo konsekuensha di e oumento den preis di kompra i un oumento den e komponente di Sùrplùs/Défisit. E tarifa usuario final pa LSD ta baha prinsipalmente komo konsekuensha di un bahada fuerte di preis di kompra i un oumento fuerte den e komponente di korekshon di e Sùrplùs/Défisit. E último aki a bini por parti dor di e prosesamentu di e mitar di e paso pa oumento di e preis di kompra di luna pasá. E fluktuashon di preis riba merkado internashonal ta hopi fuerte e último simannan. Esaki ta reflehá e insiguridat grandi riba merkado i por tin efekto di oumento di preis den e próksimo lunanan komo konsekuensha.

#### **Káalkulo tarifa awa i koriente**

E káalkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes. Tambe e klousula di kombustibel pa awa ta konsistí



di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di yüni 2022. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di aprel 2022.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E umento di tarifa pa elektrisidat ta resultado di kostonan di kombustibel mas haltu pa produkshon di elektrisidat komo konsekuensha di umento di preisnan di kombustibel, e produkshon-miksto pronostiká i tambe un faktor di korekshon haltu. E bahada di e tarifanan pa awa ta resultado di preisnan haltu di elektrisidat pa produkshon di awa i un faktor di korekshon abou ofer di aprel 2022.

### **Aprobashon i fihamentu**

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilé e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba [www.btnp.org](http://www.btnp.org).

**[FIN DI KOMUNIKADO DI PRENSA]**

---

### ***Nota pa Redakshon:***

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.